

Službene novine Federacije BiH, broj 17/17

Na osnovu člana 19. stav (2) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06) i člana 33. Zakona o privatizaciji preduzeća ("Službene novine Federacije BiH", br. 27/97, 8/99, 32/00, 45/00, 54/00, 61/01, 27/02, 33/02, 28/04, 44/04, 42/06 i 4/09), Vlada Federacije Bosne i Hercegovine, na 94. sjednici, održanoj 03.03.2017. godine, donosi

ODLUKU

O OSNIVANJU POSEBNOG FONDA RAZVOJNE BANKE FEDERACIJE BOSNE I HERCEGOVINE I NAČINU KORIŠTENJA NOVČANIH SREDSTAVA OSTVARENIH PRODAJOM PREDUZEĆA IZ NADLEŽNOSTI AGENCIJE ZA PRIVATIZACIJU U FEDERACIJI BOSNE I HERCEGOVINE

I.

Ovom odlukom osniva se poseban fond Razvojne banke Federacije Bosne i Hercegovine i uređuje način korištenja novčanih sredstava ostvarenih prodajom preduzeća iz nadležnosti Agencije za privatizaciju u Federaciji Bosne i Hercegovine (u daljem tekstu: Agencija).

II.

Novčana sredstava iz tačke I. ove odluke, sa izuzetkom dijela sredstava namijenjenih za finansiranje Agencije koji se utvrđuje pojedinačnim odlukama Vlade Federacije Bosne i Hercegovine (u daljem tekstu: Vlada) za svako privatizirano preduzeće, deponiraju se na transakcijski račun posebnog fonda Razvojne banke Federacije Bosne i Hercegovine otvorenog kod Centralne banke Bosne i Hercegovine.

III.

Sredstva iz tačke II. ove odluke koristit će se:

- 20% za sanaciju i osiguranje osnovnog kapitala u Fondu penzijskog i invalidskog osiguranja;
- do 15% za socijalno zbrinjavanje zaposlenika koji su ostali bez radnog angažmana;

Vlada Federacije Bosne i Hercegovine će, u funkciji Skupštine Razvojne banke Federacije Bosne i Hercegovine, pojedinačnim odlukama utvrditi visinu, namjenu i korisnike preostalih sredstava.

IV.

Vlada će za svaku okončanu privatizaciju preduzeća, na prijedlog premijera Federacije Bosne i Hercegovine ili resornog federalnog ministarstva, i to: Federalnog ministarstva energije, rudarstva i

industrije, Federalnog ministarstva prometa i komunikacija ili Federalnog ministarstva poljoprivrede, vodoprivrede i šumarstva, donositi odluku o rasporedu sredstava i njihovom deponiranju u poseban fond Razvojne banke Federacije Bosne i Hercegovine.

V.

Razvojna banka Federacije Bosne i Hercegovine će plasirati sredstva u skladu sa pojedinačnim odlukama Vlade i voditi knjigovodstvenu evidenciju sredstava, te jednom mjesečno dostavljati Federalnom ministarstvu finansija izvod o stanju sredstava.

VI.

Ovlašćuje se premijer/predsjednik Vlade Federacije Bosne i Hercegovine da, u roku od 8 (osam) dana od dana stupanja na snagu ove odluke, u ime Vlade, zaključi ugovor sa Razvojnou bankom o namjenskom depozitu-fondu Razvojne banke Federacije Bosne i Hercegovine iz tačke I. ove odluke.

VII.

Korisnici sredstava iz tačke III. ove odluke dužni su svakih šest mjeseci informirati Vladu o stanju realizacije sredstava.

VIII.

Danom stupanja na snagu ove odluke prestaje da važi Odluka o korištenju novčanih sredstava ostvarenih prodajom preduzeća iz nadležnosti Agencije za privatizaciju u Federaciji Bosne i Hercegovine ("Službene novine Federacije BiH", br. 35/00 i 57/01).

IX.

Ova odluka stupa na snagu danom donošenja i objavit će se u "Službenim novinama Federacije BiH".

V. broj 317/2017
03. marta 2017. godine
Sarajevo

Premijer
Fadil Novalić, s. r.